

DILECTIS FILIIS, DEPUTATIS & Congregationi ex uniuersis Ecclesijs Metropolitanis, & Cathedralibus, Regnum Castellæ & Legionis, Madridij conuocatae & collectæ.

CLEMENS PAPA VIII.



*I*LECTI filij, Salutem & Apostolicam benedictionem. Litera quas ad tertium nonas Decembris Madridij ad nos dedisti, grata nobis acciderunt, & nos valde in Dominio oblectarunt, ea est enim nostra singularis voluptas, cum milites Christi bonum certare, & eos qui in sorte Domini vocati sunt, & quorum portio Dominus est. Deo in veritate seruire, & non quia sua sunt, sed quia Iesu Christi, querere animaduertimus. Itaque magna in spes sumus fore, Dei adiutrice gratia, ut ex vestra ista congregatione bona quam plurima ad Dei gloriam promanent. Deus enim pacis, qui in domo sua fratres unanimis habitare facit, vos spiritu charitatis coniunctos diriget in viam rectam, ut dignè ambuletis, vocatione qua vocati estis: & luce bonorum operum alios quoque accendatis, & ad salutarem imitationem prouocetis. Hortamur autem vos magnopere filij pro nostra pastorali sollicitudine, & pro ea paterna benevolentia, qua vos in Christo complectimur, postquam tam opportune unum in locum congregari estis, ut de cultu Dei augendo, & clericalis discipline obseruantiam ecclesijs restituenda, serio cogiteis: audimus enim non sine graui molestia, multos in Ecclesijs istis primarijs Hispania loco sublimi positos, ut ex eorum vita sanctitate bonus Christi odor affletur, suoque exemplo fidelem populum ad pietatem excitant, minus frequenter in Ecclesiam conuenire, non sacra Missarum solennia, non diuinæ officia diligenter ac deuotè obire: ex quo etiam cosequitur, ut ab inferiori Clero ecclesiastica disciplina negligatur, & contra Apostoli

*Apostoli praeceptum multa nequaquam ordinatè fiant: quibus inco-
modis prouidete, filij, & date operas, ut cultus Dei floreat, & de-
cor domus Dei ac splendor entescat, ut pijs precibus, & diuinis
laudibus, & sacro sanctis sacrificijs, & morum emendatione pla-
cabilis, & propitijs reddatur Deus populo suo, his præsertim dif-
ficillimis temporibus, in tam multis Christiana Reipub. erumnis.*

*Quod si qua in re huius sancta Sedis, in qua immitteri præside-
mus, authoritate opus fuerit, nullo loco, quantum cum Domino li-
cebit, vobis decerimus, quemadmodum ex venerabili fratre Pa-
triarcha Alexandro nostro Apostolico Nuntio uberioris intelli-
getis. Nostram interea Apostolicam benedictionem vobis bene-
nole impartimur. Datum Roma, apud Sanctum Petrum, sub an-
nulo Piscatoris, die vii. Febr. M.D.XCVII. Pontificatus No-
stri Anno Quinto.*



